

明七才女詩集



Red seal impression at the top of the left page.

如七手待序

梅館 (Circular seal impression)

如七手待序

其以之也

神若之學

Red seal impression at the bottom of the left page.

年若子善為居之

日為之也

子亦之也

長首之也

子亦之也

自亦之也

子亦之也

子亦之也

古之於也陸時所
而好山川實在於
路及澤觀之安表
於心深望之度振之

音於宗之乃以名
雖起美不以息一目
任其隆之隆其私方
美亦其隆其私一

古之於也

三

世世相深相色倒皮

弓手如空多七人名德

定信年林之風雲

房象也亦能氏

法之序甲之維也



日名相余道以成

正後志之玉商作

以夫也之也

明七才女詩集之叙

官風吟稿



明七才女詩集之叙

予諷蘭咳而不禁鼓掌也近古率以昇平公主慕李端詩上官婉兒評沉宋優劣為騷壇氣色予心殊不甘即柰何以文人慧業俛首受女子卑量哉居嘗設一癡想倘

女中才女
業文人果生天上、願悉召夷光南
威尹姬邢夫人太真宥娘趙家姊
妹之屬、縱其美姿流態、噴喜雜出、
因召夫賦離思、續班史、頌椒花、詠
柳絮、織迴文、隔絳紗、授生徒、諸才
女、俾發妙騁妍於、灑箋、執扇間、畢

竟林下風、閨中秀、誰當第一、予亦
籍以一洒、李唐女子秤量、文人之
耻、吾友君建氏、具有慧業、足秤量
千古、乃女中才子、適湊於數十年
間、得恣其秤量、初已拔七子為一
編矣、頃又得七子再編、並名蘭咳、

其人皆大家道韞流亞在文人中、
即何減李端沉宋咄々周郎遠以
索李唐千百年女子未償之逋近
亦慰余不佞半生癡想此予之不
禁鼓掌於蘭咳也或曰女子無才
便是德或又曰女子丁福薄故才見

果爾則文章亦才女子之一端似
非所急將香閣中必有粉黛而無
丹黃有金針而無玉管惟是酒食
蠶織僅々如雅人所云一切縹囊
緗帙悉此爲閒家具也耶噫此又
淺視女子之甚者也善乎陳徵君

之言曰、男子如日、女子如月、予謂
女子之文章、則月之皎極生、寧矣、
月有晦、有朔、有朏、甚則變而有朏、
有朧、有薄蝕、有雲霧之翳、有妖星
衆曜之飛流、伏匿、此誠月之不幸
亡論已、若夫三五二八、橫秋而華、

其諸女子、福德而小、翠翹粲々、環
珮珊珊、而乃錦心吐艷、繡口含香、
萬斛珠璣、落玉腕下也、安見望舒
晶徹、不堪與曜靈號代、與他如促
語、訴哀、凝睇、抒恨、鸞分鶴別、鵲怨
鳥傷、冷清、絡繹、血灑、杜鵑、斯月之

長而虛也亦有時乎萃摠皆蟾光
一片可以繼鳥翼之餘輝君建斧
修七寶直捧白玉盤托而出之使
騷壇上別有清涼國影娥池以視
玉川子美影祇可自怡悅即韓生
匏杓挹允亦未能待贈人也古周

先生者取筋數百條繩以駕之曰
我梯此取月俄而出月於懷光照
如畫神通遊戲庶幾似之矣今試
諷蘭咳而猶疑文章非女子所急
不煩秤量將併瑤彩金波重輪三
耳卷艾著黑沫鄉中而已乎方見

卷之七
五
嗤于古之周先生而又烏可使今
之周先生聞也請以質當世之諷
蘭咳者

武水盟弟支如璿書于清且閣

明七才女詩集姓氏

徐小淑

名媛吳縣人同邑范提學長
倩正夫人有絡緯吟共十二
卷行世

沈宛君

名宜修吳江人同邑葉仲韶

進士正夫人有午夢堂集行
世閩中曾能始選人明詩

陸卿子

長洲人名士寒山趙凡夫正
夫人有考槃玄芝二集行世

浦湘青

名映淥無錫人毘陵黃雲孫
進士正夫人有繡秀小集行

世

王文如

名鳳嫻字瑞卿華亭人同邑
張孟端進士正夫人有焚餘
詩艸四卷行世

余其人

名尊王福建玉田人萬曆辛
丑進士余起潛孫女有綺窗

送韻一卷行世

吳片霞

名綃號水仙長洲人琴川許
文玉進士正夫人有嘯雪菴
詩二卷未刻

明七才女詩集目次

徐小淑

五言古詩 共九首

沈宛君

七言古詩 共六首

陸卿子

五言絕句 共十二首

五言律詩 共十五首

沈洪書

七言絕句 共四十九首

王文如

七言律詩 共十六首

附二女稿

長女張文姝

七言律詩 共三首

次女張媚姝

七言絕句 共八首

余其人

七言律詩 共二十六首

附余席人詩

七言律詩 共八首

吳片霞

七言律詩 共三十二首

明七才女詩集卷之一

長洲周之標君建甫選輯

徐小淑

閨思代董氏弟婦作

芊芊^{々々}河涘，艸柔條媚芳堤。爰有深閨
 姝對，此復含思。長風從西來，飄飄入
 重幃。攬衣步中庭，視彼夜何其。衆星
 匝，可^レ女^ヲ京月吐華姿。瑤尊飛玉霜，寤

委抽塵絲君子遠行、誰復施膏脂
曷言長安近、聊名天一涯、嚴風沙皚
皚、流水波瀾、容與憑虛闌、白雲窺
戶楣、願假晨風翼、折贈以丹莢、

贈滿妹

我妹才弱齡、カニ笑シ失所怙、孝思永不
諼、哀號徹朝暮、カニ睹シ彼松柏枝、冰暑不
易故、痛此哀年親、忽焉委朝露、繁憂

推肝脾、キ排シ剛傷、心悽零、落芙蓉、珠碎
滴梨花、雨帳額、怯春眠、帶眼寬、秋素
落葉舞空庭、淒風起、遙路魂、隨楚水、
招夢逐吳雲、度聊共北堂、萱忘憂、保
歲暮、嗟哉幼女、賢曹娥、能儼步、豈獨
希、令儀、令德、世所慕、

送孟年伯母還楚

走奇化梁心、悵惘携手步、寒塘蕙艸

女中七十一卷一
三
枯幽狂芳蘭暮恒絕武昌鱗恐寒衡
陽羽何以慰我思永持金石固

其二

聚散□蓬飄幾欲論心悵辭短意自
修河廣葦難渡良會怒朝饑殘暉挂
西樹嗟彼秋蘭姿零落在中路

賦得送遠兼憶故廬

岸柳茁短絲星舸劃漢蓼養花二月

天瑟々春寒小歸幙掛輕綃征帆拂
盡鳥霞吐野郊晴月寫汀洲皎咽々
送行人飢腸怒如鳥客帳夢青山羈
心徒草々

贈女尼

事々領幽趣探玄來上方邂逅逢靜
者嬾娟澄素粧燔香友修竹趺坐披
覆章直跡煙島外鍊神雲水傍攀荷

女中
卷一
圓作蓋，採薜巧為裳。玉樹颺奇采，摩
尼搖異光。志寂洞微理，機忘入悟鄉。
慧燈懸不夜，法海洋無航。細草綠增
長，名花拂袂狂。寒雲觸石起，暮靄浮
青蒼。空餘明月夜，孤磬冷松房。

題贈燈畫

翠樓春氣馥，璇宮桂影團。玉斧香雪
雪，霓裳度廣寒。青帝臨韶節，花神獻

早蘭

題自製燈帶

玉海冰輪上，雲生水氣收。影曛春艸
色，光暖洞庭秋。萬國盈鳩鵲，千城不
夜樓。

神仙曲

海上坐神仙，囊沙籠紫鉞。割石藏丹
書，熬松生古烟。飛來雙白鶴，宛頸食

青田鳳簫吹夜月，雲磬激重玄。走天
驅玉鹿，拂水着金鞭。南山採空碧，北
嶺摘香荃。鷄呼華屋曉，犬吠白雲閑。
玄芝盤裡綻，玉棗袖如拳。醉來乘皓
魄，三十六峯前。

明七才女詩集卷之一終

明七才女詩集卷之二

長洲周之標君建甫選輯

沉宛君

暮春十六夜望月有懷

玉樹驚烏光皎々，疎星數點長河澗。
憑高一望暮天空，天空月上青山小。
二八蟾光不減前，還同三五鬪嬋娟。
班姬雪練重裁扇，李白杯深再從船。

女中七三 卷二 五
月底徘徊欲斷腸，花飛又復遶迴廊。
松風颯々來庭戶，樹色臙々拂烟霧。
天外孤雲自往還，不傳人恨到關山。
關山一片湘江綠，月照波流千萬曲。
曲々湘波不斷流，開消今古幾人愁。
白髮征人邊塞淚，紅顏思婦怨高樓。
樓前月落思依々，杏花狼藉柳烟柔。
萋々芳艸天涯碧，愁見樓中燕子飛。

年々花月祇愁人，愁裏消殘一半春。
若教明月長相照，願逐流光遶去塵。

悲花落

濕雲不飛花欲落，數枝憔悴臘脂薄。
怨白愁紅香霧空，晝長無奈飄羅幕。
處々啼殘杜宇聲，青梅葉底送春行。
瀟湘幾陣桃花雨，綠樹青山入望平。
裊々垂楊拖翠線，碧岫霞流飛彩霞。

餘霞散綺晚風前芳艸天涯蝶夢邊
 公子金鞍嘶落日佳人紅袖泣啼鵑
 啼鵑落日春茫然紫檀斜柱十三絃
 乍見雲開秦樹色又看雪舞漢宮烟
 漢宮枝上更多情千丈游絲遶樹迎
 薔薇架上遲新月芍藥闌前度曉鶯
 曉鶯啼不歇夢破關山月風月暗
 殘鏡裏愁華髮粧鏡慵窺雙鬢蓬花

開爭似夕陽紅夕陽千里還同照花
 落空隨逝水東東流逝水日悠悠流
 盡閨人一片愁錦字不傳紅葉恨燕
 啣春色入銀鈎春為多愁不忍看可
 堪春去衆芳殘風前歷亂吹腸斷落
 盡蒼苔淚點丹寄語春光莫來去免
 教長恨倚欄杆

送仲韶北上

澹風曛碧，悻悻弄亂鳥呼春。花影動，
桂葉消殘，不耐愁。露桃澁雨，猶含夢，
霸陵樹色，拂行塵。落日青山，山外人，
夜、鶻啼，簾畔月，絲、柳吐，陌頭春。
春風歲、到人間，試問春光，幾日閑。
乍見河橋芳艸，綠漫將樽酒，唱陽關。
陽關一曲愁雲起，花落，花開，逐流水。
流水苾、雲渺、征帆處、隨雲遶。

妾臨明鏡，自堪羞。君向長安覓舊遊。
踏遍長安舊遊路，斷魂應問，洗粧樓。

早發揚子江有感

渺、烟光浮水國，苾、四望天同色。
低迷雲樹映，帆飛抹翠，遙山相枕側。
白鳥蘆洲自往來，迴波千古流難息。
人心有恨若流波，却恨流波洗不得。

題山水圖

層巒差我倚，雲出參霞蔽。霧凌青翠，
 古樹蒼々，石徑斜。行人但過，無相詰。
 萬壑風生，雲不飛。春來春去，只芳菲。
 山花風裏還如舊，茆屋橫橋鎖。翠微
 虛閣峰嶸，迥寂空。摩崖千尺，孤寒松。
 滄洲茫茫，但遠岫。日々征帆掛碧舸。

盆梅

上苑春風剪麗華，繽紛吹入列仙家。

不向瑤臺弄清月，却來綺戶覆輕紗。
 紗牕拂々映寒芒，藻宮壇暈掃蛾黃。
 乍見羅浮新夢覺，曲屏深院紫檀床。
 梁園日暖雪消初，辭客花間鬪絲書。
 機中粉素飄香細，鏡裏勻粧色甚餘。
 玉瘦不知憐紫燕，夜寒飛露溫霞裾。
 飛露一宵扶綠萼，幽姿綽約驚珠箔。
 羅衣縹緲月痕低，翠袖漫憑傾盞落。

無限芳菲映画欄，休教狼藉怨春殘。
凭高且莫吹橫笛，留取樽前秉燭看。

明七才女詩集卷之二終

明七才女詩集卷之三

長洲周之標君建甫編輯

陸卿子

贈媿

剪破楚山雲，繪作芙蓉履。有時渡湘江，
片片隨秋水。

送范夫人從宦游滇南

日暮送行人，離愁滿江濤。江雲慘不

飛相對兩無語

其二

君顏燁々紅，余髮蕭々白。欲盡平生歡，車馬滿行陌。

其三

祖席猶未陳，胡為忽離別。莫遣嶺上雲，飛來掩車轍。

其四

那聽澗底泉，那窺松際月。待子山中來，相携亭羅襪。

其五

相見情已深，相別愁人心。借問此何為，為君多好音。

山中即事

客去鳥還啼，山空泉復響。風送落花來，片片增波上。

只占相逢行贈西吳毛夫人周
相逢未相識相別還相憶借問此何
為為君好顏色

歸雲

一片湘江雲飛來何浩蕩無心作春
雨且宿青山上

清明有感

隴艸卷還生嶺雲時復沒吁嗟白髮

人空山哭枯骨

嘲老妓

蟬鬢時飄雪蛾眉半帶霜恠人推甲
子顧影理殘粧

宮詞

花徑轉參差春風煖不吹綠環嬌欲
舞黃鳥語還窺
雨樵車音遠雲迷夢魄遲香消金鴨

冷羅綺自生悲

閑居即事

閉門聊自適，陋巷薜蘿深。
柳色啼春鳥，波光澹夕陰。

落花間覆地，空靄靜依林。
若問幽棲意，床頭有素琴。

送優婆夷禮補陀

大海渺無際，師行識曙星。
咒龍能護

法，伏虎解馳經。

浪擁千華塔，光搖百寶瓶。
禪心無襍念，萬里一峰青。

話別

相看悲更切，欲語淚潺湲。
共識當時貌，驚非昔日顏。

離情知夜夢，別思度春山。
數換尊中酒，愁心應未闌。

朝尼

一辭舞榭後，幾見柳條新。
葉落不知歲，花開別作春。
朝雲時入夢，夕鳥不窺人。
得渡迷津去，依然轉法輪。

代送別

停驂問遊子，此別意何如。
四馬青山遠，孤城白日遲。

霜華寒拂劍，雲色冷侵卮。
去々添愁緒，河橋柳色垂。

山居即事

有地皆蘿玉，無山不種松。
雨深朝拾菌，日煖晝分蜂。
麋鹿綠巖下，狐狸采藥逢。
桃花開已遍，樵客欲迷蹤。

其二

披榛越宿莽，背廓隱花蹊。月靜妖狐泣，松深恠鳥啼。
秋山雲照戶，春澗水穿隄。飛作千尋瀑，家々引灌畦。

其三

雙扉晝尚扃，綠水繞沙汀。隔岸佳人語，綠谿小婢聽。
巖花爭綺繡，隄柳學娉婷。日夕歌塵

起中庭草半青

其四

花煖白牛眠，醍醐手自煎。教兒時誦佛，放婢學參禪。
擬出人間世，休生自在天。琅玕滿瑤席，容子坐譚玄。

其五

盡冥色不斷，迴合勢難分。石室藏丹

亞蘿房起白雲
鳥飛天影外，泉響隔林間。
澹蕩波光裡，烟霞歛夕曛。

其六

樹色千重碧，谿聲萬壑流。
鳥啼花塢暖，楓落戶門秋。
稚子聽清楚，佳人上画樓。
祇緣探法藏，不是覓丹丘。

贈嚴夫人韓

邂逅千花塢，相看一解顏。
香隨花氣發，春逐髮雲還。
弱態風前柳，新眉鏡裡山。
吳宮無秀色，烟艸滿庭前。
對雨懷文夫人
故人何處所，花塢近斜陽。
白石枯芳砌，朱蘭綴洞房。

雪中藏曲徑，樹杪帶甲廊。匣鏡浮春
蕊，山花對晚粧。

贈嚴夫人王

一觀傾城貌，千山歛夕霏。露桃羞比
艷，汀月借生暉。

躡蹬雲迎襪，凌波水濺衣。餘芳吹不
散，常繞渚煙飛。

明七才女詩集卷之三終

明七才女詩集卷之四

長洲周之標君建甫編輯

浦湘青

公車贈

早聽鷄鳴起，繡帷玉鞭控馬去。如飛
明年獻賦甘泉後，贏得宮花插帽歸。

其二

何須婉戀向羅幃，鴻雁江南雪正飛。

財得姓名傳玉殿，蓮燈高揭狀元歸。
答雲孫廣陵見寄

天涯誰絆紫騮蹄，幾日停鞭問柳堤。
歌吹揚州今更好，家書說在竹亭西。

梅吟

一枝先已逗春華，楚_々窗櫺影淡斜。
箇是吟家新句藁，逢人莫說是梅花。

除夕

聞_レ管秦淮醉管絃，今朝行李又_レ徂燕。
從_レ今怕聽泥金信，恐說京華又_レ隔年。

雨中思

幾度家書寄遠鴻，妾身_レ不住江東。
知_レ郎馬_レ管_レ今何處，_レ農亦酸風細雨中。

題句

昨宵好夢去如雲，十二闌邊艸色醺。
題_レ疊小箋無_レ一_レ事，_レ腥紅小印_レ迴文。

又梅下口占

霏々素影映堦墀，滿院春寒沁玉枝。
昨夜夜深金剪寂，江妃應是探花時。
讀牡丹亭信筆

情生情死亦尋常，最是无端杜鰲娘。
鸞殺臨川點綴好，阿翁古怪婿荒唐。
又章臺柳

書生舊夢總成灰，義烈鋒鏖是許媒。

但恐尼菴歸去後，幾回風雨撼章臺。

呼婢

銀瓶斜插海棠花，春色朦朧護絳紗。
煙裊獸爐香欲燼，蒲簾鸚鵡喚琵琶。

初聞下第

祇爲浮名滯遠遊，而今可減舊風流。
黑貂裘敝知難典，莫擁金釵上酒樓。

北望

聞道嚴寒向北奢，馬蹄晴雪壓黃沙。
懷人正在春三月，莫認楊花作雪花。

玉闌

青姿孤樹小樓東，習習香生度遠空。
瘦質不堪風影亂，淚粧狼籍月明中。

謹鵲

片片花飛點繡帷，強拈裙帶試腰圍。
欺人最是簷前鵲，說道當歸又不歸。

歸舟

桃花初醉柳初煙，半嶺斜陽接遠天。
春色江南今正好，歸舟何處綠楊邊。

遊仙詩

遙望霞飛散碧霄，星河清影拂銀潮。
廣庭仙女嫺歌舞，欲聽霓裳踏桂橋。

其二

華清望裏白雲鄉，七闕筵開宴未央。

傳道紫皇頌玉詔羽輪暫駐赤松旁

其三

辰樓初御日光高鳳輦經過聽虎嘯
絲管傳來繁會甚九筭宮裡奏雲璈

其四

朝向金庭唱四鈎雲闕狼籍紫烟新
瑤池王母頻相約滿路簫韶□玉輪
雲孫為予言虞姬墓艸不風而

舞

烏江淡落舞衣香一劍清風答項王
翻怪今朝墳上艸却將舞袖媚何郎

奕碁

初開碁局画屏隈半幅瀟湘掛綠苔
莫遣笑聲窗外去鸚哥初報小姑來

題園竹

枝二百尺碧琅玕舞雨敲風五月寒

借隱鹿門應有待，商量劇取釣魚竿。
雲孫已丑下第慰之。

兩戰歸來志未申，長途何處不風塵。
遙知他日金蓮反，即是今朝拭淚人。

採茉莉

此花契濶數年來，金盒駝筐待汝開。
一摘尚須三四摘，和身香露立蒼苔。
輓雲孫聘妯娒

木蘭一曲別朱顏，宛約風流迥不還。
今日少君應尚在，帳前能否覓妯娒。

雲孫以宋娟詩見示

干戈叢裡寫長篇，序序詩詩太可憐。
眼見押符今日少，甘心紅袖逐朝煙。
讀會稽女子詩

好句無多至怨存，千年驛驛氣氤氳。
飛瓊原自神仙種，何必人間灑淚痕。

雲孫歸初有小福之喜戲贈

小々香蓮淡々裙一天好事是新聞
懸知何事迎郎意手拂蠻牋打篆文

其二

嬌憨情性別離時想像驪駒聽不支
忙處避人閒處問明朝何地最相思

采蓮竹枝詞

荷葉田々水滿磯蕩舟驚濕女兒衣

阿儂今夜渾忘却喚取西風送月歸

其二

半溪柳色碧於煙葉々低枝縮釣船
岐路忽忘羞借問且隨蝴蝶過花前

其三

白綾半臂杏紅衫半里歸來汗一搭
輸却鴛鴦無別事醒同游戲夢同甘
雲絲晨誦金剛有贈

鹿_{々々}生涯未有因大千敲碎作微塵
山河泡影人如夢認取金剛不壞身
聞_テ尤_ニ娘鐘玉為_レ尼復_タ欲_ク適_レ人_ニ甚_ク
急_ニ遙_ニ以_テ一_ニ詩_ヲ嘲_レ之_ヲ

塗_ニ箋_ヲ抹_テ錦_ヲ心_ヲ無_レ端_ニ枉_レ殺_ス多才李易安
此_レ後若_ク參_ル獅子坐_ニ如_ク來_ニ無_レ髮_ヲ亦_レ衝_レ冠_ヲ
同_ニ雲_ニ孫_ニ月_ニ夜_ニ遊_レ虎_ニ丘_ニ

五十三參次第升_レ微雲無_レ恙_ニ月初晴

山僧忘_レ打_ス三更鼓却在_ニ迴廊_ニ聽_レ語聲

其二

結_レ伴_ニ先_ニ來_ニ小_ニ武_ニ當_ニ石_ハ如_ク龍_ニ象_ハ木_ハ如_ク幢_ニ
借_テ觀_レ音_閣上_レ門_ニ閉_レ記_テ取_ス明朝進_ニ佛_ニ
香_ヲ

其三

可_レ中_ニ亭_ニ畔_ニ漫_ニ徘徊_ス拂_テ拭_ス生_レ公_ハ舊_ニ講_ニ臺_ニ
初_ニ學_ニ避_レ人_ヲ憐_ニ婢_ニ小_ニ千_ニ人_ハ石_ハ上_ニ不_レ曾_テ來_ニ

其四

劍右愁泉盡，一遊眼前佳勝即千秋。
山門寂々僧歸盡，一盞禪燈照六幽。
虎丘覓貞孃墓不得

千古風流枉斷腸，虎丘無地覓貞娘。
有無墳墓真閒事，羞殺三泉錮始皇。
同雲孫遊惠園

佳勝因山不在山，崎嶇園徑鳥綿蠻。

人工斧鑿通天巧，樹有神通石不頑。

其二

每逢佳處即悠然，花月彈娟似有緣。
坐到賞心無一事，園丁私乞餉茶錢。
吳門舟中偶讀會真記

有始無終奈若何，當年悔殺不投梭。
只贏傳誦千人在，無日閨門不聽歌。
送叔兄應試白下

虎踞龍蟠舊帝京，彩雲十里送行旌。
相傳白下風流地，宴罷紅樓賦鹿鳴。
啼雲孫病於君子庭。

從來子建不勝衣，寂々清齋晝掩扉。
却笑君狂々更甚，敲詩每到夕花飛。

讀雲孫秋閒十咏

如君何得尚秋閑，雁抹鴉塗滿蜀笺。
却咲□皮今更窄，莫傳時事向坡仙。

第三子生名曰亮可和雲孫韻

何妨陶氏舊家聲，六七雍端尚未名。
記得眉山詩句好，不將思魯換聰明。
寄雲孫虎丘客寓

何事吳門逐浪游，緘書猶自紉鸚裘。
只今鄧尉梅應遍，入學花開盡白頭。

其二

武丘風景不勝看，春雨蕭條尚薄寒。

舊日相逢楊柳岸多情應為繫遊驂

明七才女詩集卷之四終

明七才女詩集卷之五

長洲周之標君建甫編輯

王文如

關山月

良宵三五露華溥絕頂虬松隱玉盤
影照長門千巷寂光分五嶽萬峰寒
深閨思婦添離恨邊塞征人想見難
兩地秋懷無處寫胡笳聲裡夜將闌

辛卯秋夜送內菴夫婚應試金

陵

把袂殷勤淚滿懷，傷心無計駐蘭舟。
高城戍柝催殘月，古寺疎鐘度晚流。
欹枕難成今夜夢，薄衾重整昔年愁。
欲知此後相思意，黯結汀梁烟樹秋。
丁酉仲秋隨任宜奉過常山道
中作

極目天光接水光，四圍山色鬱蒼蒼。
風牽蘿薜留行轡，霜醉楓林駐客裝。
朝露凝途侵袖冷，野花穴道襲衣香。
參差古刹荒何代，半隱松林半夕陽。
辛丑孟冬扶柩歸武林
世事興亡似轉環，蕭條重度武林關。
魂消古驛秋中柝，夢斷宜陽望裏山。
千里故鄉懸迸淚，半牀寒月照衰顏。

玉樓賦就應憐我相挈追隨供奉班
寄冲若大弟

蕭々疎竹鎖烟霞雲水遙瞻本路賒
一枕新涼添客淚半簾殘月伴燈花
計君應就池塘夢老我偏多原上嗟
瘦骨那堪徂永夜茂陵秋思憶龍沙
掃墓焚告

寥落三休掩葦門已叨餘廕拜君恩
遺經有繼猶堪慰舊葉無存不可論
荒塚野狐號白月孤舟琴婦泣黃昏
今宵得遂相從願免使明春再斷魂

寄喬夫人

夫人張閨媛善詞翰與余素相
契自丁酉燈夕分手余隨官焚
城夫人已歸上洋喬進士矣及
余罹難至今屢更寒燠絕不相

聞適有南歸之雁賦此奉寄

深閨分袂記燈殘三載驅馳道路難
仙範每思瞻北斗故人無奈滯南冠
九秋蘭契湘江遠兩地相思越嶺寒
今日喜逢初度雁題詩惟有報平安

鐵馬

淒清轉幼斷腸聲何事偏於秋際鳴
驚破夢魂和漏永戰殘日影雜風輕

傷悲宋玉秋宵思臥病相如夜雨情
寂莫寒窓添不寐鏡中霜雪為君生

婕妤怨

鞭轡聲斷井梧飄隔院笙歌奈寂寥
自向玉階辭鳳輦誰憐血淚漬鮫綃
月間永巷衾餘冷雲掩長門魂暗消
委砌虫吟如助恨那堪驚夢響芭蕉
憶△夫

冰輪初墮漏推殘萬籟無聲青女寒
鳳去碧梧秋瑟瑟香消綉戶夜漫漫
三山縹緲魂何返虛室淒涼淚暗彈
追憶當年歡笑處等閒誰識會君難

秋夜寄元慶二女

霜寒烏鵲繞南枝孤客那堪聽漏遲
三處離愁憑一夢滿懷愁緒屬雙眉
賦成宋玉悲秋日琴廢相如病雨時

黃葉打窗添不寐屋梁落月伴遐思

贈性德比丘尼祝髮

悟得天龍一指禪不將衣鉢走風烟
洗心自替超凡劫削髮於今了世緣
鼎爇旃檀浮寶篆函開法藏理楞篇
我來欲證三生果月白天空味湛然
丙午季春送徽美二弟應試燕

都

風拂星輶擁容裘，翩然意氣向皇州。
文章喜重清時價，名字應知夢寐求。
倚劍放歌蕤市月，揮戈挽日薊門秋。
共看神宇春江柳，佩取虔刀正黑頭。

秋日自遣

徙居獲得茂先書，潇洒閒心翫有餘。
月到風篁詩骨瘦，漏隨鐵馬梵音疎。
井梧墮葉浮荒砌，籬菊含英護敝廬。

更喜明時堪竒隱，越江秋色正蓴魚。
成一布衣禦寒酷，受小人笑辱痛恨記。
此以示兒曹，倘他年有寸進，勿忘我今日之貧。
清廉節儉成先子之清名耳。

裙布蕭蕭類結鷄，俛思無愧主恩新。
却金暮夜廉臣節，忍辱晨昏寡婦貧。
劍沒黃沙光射斗，形消白骨氣凌人。

傷心自恨非男子，不得携書再入秦。
已酉送大兒汝開會試燕都。

臨風縫線駐行舟，梅信先春慰白頭。
仗劍莫彈遊子淚，請纓須效漢臣謀。
馬蹄雪擁心猶壯，龍額名標志欲酬。
此去寧馨須努力，故侯功業有箕裘。

附二文稿

張文姝

遊魚啖花影

春風晴日漾輕漣，分送繁華映碧流。
波動乍吞猶復吐，萍開入餌去仍留。
不驚幻色生還滅，可笑迷軀沉更浮。
應是有機常競處，當年不上子陵鉤。

龍池春鬪艸

紫禁鶯花占早春，上陽紅粉慶芳辰。
探竒綵袖沾春露，覓巧金蓮破錦茵。

笑拂雲鬟釵落燕行窺碧藻水潛鱗
最憐薄暮歸來後獨掩長門伴玉輪
母夫人以磁盞易茶并索詩章

次韻寄荅

為耽泉石臥山衡幾度狂吟醒酒醒
愧乏陽春賡白雪却憐玉碗換金莖
烟浮丹竈供清晝漿泛磁杯伴五更
自是盧生偏好茗錯言司馬擅詩聲

張媚姝

燕子樓

風吹簾幙正飛霜香燼燠籠冷綉牀
一自王孫游碧落湘流不似淚痕長

其二

洛陽三月雨如烟添得離人思黯然
惆悵秦樓分鳳侶清燈寒月自年年

其三

卷五

三

春到那堪燕又回，相思猶望鶴歸來。
煙迷華表游魂遠，泣向東風心已灰。

其四

幾度臨風鎖翠簷，腰圍瘦損似桑枝。
甘同金谷遺芳譽，豈是鸞分不去隨。

乙巳春日寫懷

柳絲搖曳已含烟，烏嚙聲中思悄然。
自是愁深無意緒，滿庭春艸為誰妍。

其二

窗外鶯啼試巧音，繡幃慵起恨難禁。
如今無復尋芳意，羞見夭桃發故林。

其三

嬾向閒窗整玉琴，悶來惟和斷腸吟。
無端鄰笛吹楊柳，喚起鄉心淚滿襟。

其四

繡戶春寒怯素羅，倚闌無緒奈愁何。

生涯已逐飛花去，掩卷空悲弋雁歌。

明七才女詩集卷之五終

明七才女詩集卷之六

長洲周之標君建甫編輯

余其人

次唐伯虎花月吟

花姿月色競爭新，笑倚東風花月人。
淡月濃花香有信，露老霜月索無塵。
月來花睡蓮為主，花對月留桂作賓。
莫是花飄月影動，弄花愛月醉長春。

舟中曉望

消々不斷逐花流，山色空濛正值秋。
薄霧籠波層隱々，淡雲映水兩悠悠。
松邊間咏東坡賦，竹下遊尋范蠡舟。
疎密却疑樓野鳥，塵埃飛在酒中浮。
賦得黃金何日贖，蛾眉

斷腸淚落最難禁，久已離君別恨深。
懶把琵琶雜胡語，愁聽鼓樂亂人心。

南朝國內烟籠鎖，北塞營中雪冷侵。
賤妾欲思歸漢地，干戈未定獨行吟。

蝶影

玉□飛來互照清，隔溪羽翼惹魚驚。
水中兩翅臨風舞，花下□身對月明。
半掛枝頭添有色，全隨夢裡本無聲。
幾迴欲撲過牆去，粉落深宮似葉輕。

簾影

半掛銀鈎入平危飛未粉蝶故相吹
寒風淡蕩飄難動冷月微茫映不移
遠聽夜聲鳴夜笛近籠春色滿春池
推窗欲對玲瓏影漫把青燈返照遲

樓居

風飄竹葉帶波流身世猶如不繫舟
境上樵夫明月照江間釣叟淡雲水
蒼松窈靜空樓鶴綠艸幽香只宿鷗

暖戲烟蕪濃霧鎖飛觴永夜對溪樓

次董叔會先生遊半仙巖韻

欲步高巖日影斜飛鳴鷓鴣竹陰遮
東籬乍吐黃金菊北嶺方開白玉花
海氣騰々浮日月泉聲隱々出煙霞
采真仙洞空無際載酒同君覓得砂

七夕

愁心淚滴滿滄浪鵲報佳期故々粧

此夕乍逢相樂少
丁年來會獨憂長
銀河寂靜張新幄
玉露凋殘泛舊觴
靈匹成梁遙一水
豈堪星帳淚千行

送昌箕舅氏遊武夷

數杯新茗濯詩腸
風雅由來獨擅長
虎觀應看編史冊
鷄林久已購文章
明霞爛爛來松院
皎月微茫入竹床
自是烟波分上下
武夷溪畔泛滄浪

詠梅雪

廣平作賦占花魁
莫遣飛瓊片片堆
幾陣嬌容窗下艷
千枝麗色嶺頭開
寒飄遍壑紛紛落
凍結長江故故催
短篷隔垣吹片葉
又逢明月夜深來

冬至

冰寒梅蕊奈花魁
量影方知日晷回
雪擁池塘催短髮
霜嚴簾幙醉新醅

千層波浪隨青至，萬頃嵯峨積翠來。
鴻雁驚霜歸北塞，平田碧水淡烟開。
話別
兀坐間吟爽氣清，初雲郊外雨添聲。
秋殘不寐頻催曉，夜永長懷屢問更。
異國關山多客夢，它鄉萍水盡人行。
留君鷄黍聊相醉，江上微波霧靄橫。

山居

日落松崖影半林，朝朝猶在碧波心。
雲連海氣如籠幙，雨打泉聲似鼓琴。
燕去春殘棲竹淺，蟬鳴晝靜落花深。
芰荷帶露含嬌色，寂聽山前短笛音。
次昌箕舅氏見贈韻

漫將枯筆和吟臺，不是當年道韞胎。
寂靜園林花競發，清閒澗水浪爭迴。
千言夫盡能窺覽，一字無奇費剪裁。

女中
桃李敢云瓊玖，報自慙小枝屬駑駘。
咏菊

黃荅吐出更新鮮，偶步籬邊萬朶妍。
含露多隨朝靄潤，搖風尤帶晚霞眠。
蕊多似放園中玉，英落如鋪裨裏錢。
莫道去年曾似舊，徘徊樹下感前賢。

除夕

紛々^光 世事莫^光 吁^光 幾^光 萬里江山孰是家。

樽酒沽來能半醉，篋詩興到不須賒。
濃烟淡洒凌雲竹，細雨連綿隔水花。
歲久臘殘還似舊，春風噓拂遍桑麻。
壽^外 祖陳何翁七十

在瀾曾已砥中流，幾上長安帝闕遊。
若向雲衢陪驥尾，直須天畔落莼頭。
一樽霞泛青山翠，千里月明碧樹秋。
正值古稀初度日，胸中勝美是長籌。

雁字迴文

風敲竹影鳥穿籬寂秋聲草色姿
叢菊茂開偏映水艷花嬌吐自臨池
東樓舞葉觀琴弄北寒飛鴻對笛吹
空寄遠書傳雁去融淡月落浮危

五日步昌箕舅氏韻

五湖彩画鬪舟移蒲柳簷前入酒卮
簪艾頭底臨淺水採蓮歌出泛清池

龍遊日照潛鱗見鳥奮風飄去翼遲
奪錦浪翻依短棹朝猶對白雲詩

和陳白雲無題

松栢千林傲雪華蒼鴻飛過兩三家
悲顏偏對西江月麗眼猶看北苑花
疎密柳陰依岸轉交加梅影拂窗斜
可憐宮裡多愁緒鳳輦何嘗到碧紗

其二

間移紗櫺掃花陰悲釘婆娑仰炤臨
高閣清虛吹夜笛深宮寂靜促寒砧
翠松苑裏聲長落紅葉溝中影半沉
不覺秋殘添永恨蒼天惟有白雲深

燈夕分韻

滿城燈火最繁華花下沉杯倒影斜
寶炬堂前生皓月彩烟庭外結丹霞
笙歌陣裏鳴千戶鼓吹紛々入萬家

爭道一年春好處又聞鶯語到牕紗

過因關觀音閣

散步閒來叩比丘巖前落葉逐寒流
龍翻浪裏聲依閣花吐江邊色滿樓
夜靜談詩聞短笛春深載酒泛扁舟
西園楊柳移陰處盡是黃鶯織不休

謝氏招飲賦贈

烏衣爭說舊家聲仙骨猶傳屬秀英

柳色翠從看上見蓮花香在步中生
樓登秦女聽吹玉橋遇雲翹勸飲瓊
春草池塘君世業况看道韞有詩名
同徐器之謁防海羅雲翁老師
因留飲署中以諸見貽次韻答

謝

逢君投壁豈無因卻洗胸中十斛塵
徐穉敢云同後輩羅含爭說是前身

扶桑日出瞻南海細柳天高望北辰
五馬風流誰不羨官間詩酒且相親

壽王母六十初度

佳節相逢近女牛况看花甲正初週
仙家自昔稱王母名世于今配大丘
桃實庭前方遇夏桂香階下又當秋
元龍百尺登高好何事吹簫到鳳樓

附余席人詩

過西來寺

高峰古刹真仙緣，曲徑幽花舞蝶翩。
綠水聲潺隨壑潤，青山色映與天連。
一杯新茗伊人飲，萬卷遺經古佛前。
遙望蒼松鋪翠蓋，禪心叅定更澄然。

過雁

排空踈影夕陽斜，陣陣群飛何處家。
幾片蘆花離北塞，數行天外宿長沙。

風吹葉落秋無色，月照松陰夜有華。
遠望遙空誰寄信，且看籬菊艷叢花。

樓居

牕前曲澗泛觴流，幾葉荷花幾度舟。
漁父夜歌明月照，牧童晚唱夕陽收。
人情寢似山中鳥，心事渾如水面鷗。
載酒清風隨客掃，白雲同我共登樓。

壽外祖陳何翁六十

松栢為姿第一流，磻溪老叟志遨遊。
南山多靜添絲髮，東海長生憶黑頭。
閒弄楸枰連晝夜，晚需樽酒樂昏秋。
燈前花下期同醉，皓月還聽報曉籌。

話別

窗前疎雨淡烟清，吟罷多情惜別聲。
山靜樵歌日半午，水寒漁唱月三更。
雲邊棹店花同宿，天外孤身鳥伴行。

君太長亭回首望，一江秋色晚霞橫。

山居次韻

高峰霧罩滿空林，入到深山隱者心。
白鶴松間鳴夜月，黃鶯樹裏奏朝琴。
春殘風送花香老，榻靜更敲□色深。
量雨較晴農叟事，鋤雲伴處覓知音。

蝶影

五彩翩翾映酒卮，細看空自不連枝。

翅飛撲扇無棲扇身亦穿籬影入籬
月下雙翻如舞葉花前一對似羞池
孩兒玉版隨香去恍覺莊周入夢時

庚寅元旦

今朝送暖有東風新歲春光到處同
萬戶曉煙晴霽一門佳氣鬱蔥
牕前碧柳窺衣翠檻外桃花映酒紅
開宴華堂燈影燦人間不讓廣寒宮

六畢

明七才女詩集卷之七

長洲周之標君建甫選輯

吳片霞

画薔薇十二紅

消息春歸十二紅春痕微透粉花融
偏開兩靨脂軟輕減雙蛾石黛濃
乍展芳心含曉露半垂嬌力解東風
丹青自古傳周助彩筆殷勤惜未工

美人臨池

玉節瓊璫玉指勾琉璃雕畫翠牀新
閑臨幼婦題娥女愛染紅毫寫洛神
蟬錦翼重絨恨易鸞城風便送音頻
新來理繡心情減為托雙魚寄遠人

阮絃

似語喃下指下逢抱來雙膝按當胸
新詞曉月歌郎女巧罵春風薄倖儂

雲駐梁空香炷暗露寒花壓舞衫重
楊家取是遲聲媚道語周郎未暗工

玉簫

薄醉濃香趁好懷玉簫閑吹傍樓臺
微因風起聲初咽却和絃調拍又催
白雪叱圓尋變節朱櫻旋綻更含胎
鸞騎何必乘風去六六雌雄鳴和來

牡丹朝雨

曉烟初動碧雲閑，荏苒天香薦夢來。
膩雨洗粧憐嫩玉，軟風吹影蕩流杯。
朝陽艷指纔一捻，干部詩腸知幾迴。
傾國不煩還解語，幾窺羅幙笑相陪。

蕩子

蕩子無歸任處迷，空倉嘗苦吏人妻。
海潮有信分明逝，石闕無言枉自題。
弱柳宛憐眉樣淺，夭桃羞和面脂泥。

誰能獨向春光裏，日日空閨聽鳥啼。

雙蝶

韓憑夫婦兩魂狂，來往闌前亦自忙。
好日試調粧粉膩，春風新綉舞衣裳。
食多芳蕊鬚猶醺，睡穩花枝夢亦香。
自與何人透消息，等閑經過宋家牆。

七夕

星光歷歷漢悠悠，帳望雙靈獨倚樓。

莫謂世間多別恨，便疑天上有離愁。
梁清謫去誰相伴，子晉歸來合共遊。
唯有月娥應取妬，一輪風露不勝秋。

梨花雙蝶

如玉雙雙透瑣圍，鏡中斜見粉依稀。
西施舞罷春衫冷，道韞詩成柳絮飛。
影過杏梁朝日淡，夢醒平峽片雲歸。
梨花深院無人到，不是閑籠放雪衣。

題梅花倒掛扇

踈影低橫帶月籠，寒香輕溢錦箋融。
疑傾合浦珠盈寸，似種藍田玉滿叢。
乍碎冰魂憐繡幕，斜行粉淚背春風。
綠衣自對芬芳語，好訴離居向夢中。

其二

取愛橫斜月滿枝，合樓丹穴鳳皇兒。
不嫌黃雀偏巢處，絕勝青禽入夢時。

菱迸漢珠由自得，蒼飛崑玉叫來遲。
簫聲莫是秦臺曲，落盡冰魂世不知。

墨絲

懶將膩彩寫香腮，洗盡鉛華一樹閑。
菱密秭疑籬下發，影寒如向夢中來。
盈之艷笑從人意，落之高枝未許媒。
靜掩孤山誰作伴，瑤琴紙帳獨徘徊。

癸亥閏中作

宋主小吏是多情，未及相思繡羽盟。
明月交眠憐一影，昏風相喚聽雙聲。
荔枝香冷魂俱斷，蘭莖瓊抽夢合驚。
馴繞紅閨牽別恨，問將彩拂記佳名。

吳門作

春風好鳥為號，相息迴合殊翁宿錦枝。
密語莫教雙燕妬，幽情祗許兩心知。
疑分花影頻相顧，為怯雲羅不暫離。

卷之二

五

何處荔枝香遠送故園回首不勝悲

又

南粵春殘花未殘羽衣深映錦成團
佳名莫與離人說綵色惟教繡女看
丹實啄來妃子咲素枝啣出楚臣嘆
霜縑擬寫相思態應為傷心下筆難

又

莫聞名字使年酸綉翼假時足自歡

嶺月交呼煙漠漠蠻花雙坐露團團
琴中祇似朝飛雉鏡裏應憐獨舞鸞
惆悵八閩人不到幾多情思向叢蘭

春雨

輕陰漠漠雨絲絲少女風翔便應期
點白嫩銷浮露粉泣紅勻重淚臙脂
梨巷夢裡寒猶逼芳艸歸程遠更思
長是三更破酒醒滴愁如磬斷魂馳

閨懷

坐惜年光鏡裡看，一番花雨怯春寒。
間愁漸嚼，飴如蜜，好夢空教意暫寬。
自度新聲，牽怨易學裁詩句，寫心難。
汗淹有恨多，吞泪玄鬢生絲，擬似潘

曉幃

夢裡鴛鴦妬，曉鶯晚來無。海棠驚
城隅，日射羅敷，怨綺閣朝新。江總成

草莞春風殘力困，蕙蘭吹咽道音輕。
閑憑深淺量花色，催整新妝又懶生。

朝春風

九陌芳塵扇物華，半闌朱戶半隨車。
初醺暖氣濃于酒，乍宕牽魂勝比花。
多拂荀衣香遠送，乱飄仙袂帶終挈。
相將訝許無形影，輕薄從來何處家。

鳴琴

漫道琴心似琴心臨叩何處有知音
尖筆玉手輕如揭旋語香絃思已沈
山峽泉流巫女怨空江木落水妃吟
多情鬢下相憐惜何事鳴蟬又遠侵
戲和咏手

春葱露洗玉搵一旬清波削月兼
按管參差調鳳翼鳴箏出沒弄瓊尖
因憐花好鬟頻整為寄魚中綉懶拈

間摘海棠看又撚巧侵蝶粉若為嫌
惜花春起早

取愛窗前膩粉光東烏初上鬱金梁
輕拋睡鴨餘宵煖背掛盤龍味曉粧
芳徑露凝鈎印淺嬌房春暖蝶魂香
可憐九十無多日雨妬風欺幾斷腸

愛月夜眠遲

星稀露重四更天皎々當空玉兔圓

何處艷歌誰鳳管，誰家新韻度鸞絃。
烟痕砌冷，文君錦花影，窗分月。助掾
一種清光，十種看，幾多惆悵。幾多憐
揆水月在手。

削葱間，濯小池邊，愛弄娟娟片，璧圓。
藕葉傾來，珠影動，方諸盛得，露痕鮮。
難同玉珮投交甫，未許輕雲蔽洛川。
祇似素娥粧始罷，掌中擎出鏡中仙。

弄花香滿衣

錦鄉春足，軟風飄百和，幽芬透絳綃。
折得盈懷，間自玩，嚼成和唾，染來嬌。
韓憑誤作芳枝，繞荀令，應嫌沉水焦。
莫訝世間無鵲腦，蜀羅花氣更魂銷。

夏白

紅粉何當，作曉粧，轆轤修綆，憶寒漿。
胡香成儘，金倪冷，湘簟凝波，玳瑁涼。

女中七
卷
碧樹影圓人晝寢，石榴花發日初長。
沉、蘭室無消息，海晏時、到画梁。
維揚答外五晉

造化從來忌上才，昔教雙壁種蘭臺。
邗溝夜月消魂別，平峽朝雲薦夢來。
袍色長條隨綠艸，屐痕金齒記春苔。
臨風一葉乘潮去，斷續柔腸刻九迴。

其二

芳艸含香正合婚，風波一且忽星奔。
蕪城匝月空殘夢，陪苑經秋祇斷魂。
玉馬半隨還怯嚮，文犀薄臥敢思溫。
生憎月午陽關近，青血偷沾別袂痕。

其三

惜別難勝怨，晤遲合歡未。卜早離悲，
劍飛楚水龍將去。璞碎荆山玉，有疑
百憾，悽心託何處。一函清淚贈臨歧。

叮嚀更語陪堤柳莫學春蠶有斷絲

其四

密旨潛呼不憚遙樓東輕騎怯鳴鏢
明珠分浦難為合錦瑟危絃豈易調
好夢漫憐難駐景妬媒無計可驅潮
撥關盡處還離別別後休教負此宵

其五

淒涼琴羽動高樓一曲沉湘萬斛愁

香冷繡衾餘病骨塵生羅襪莫疑眸
雲迷楚嶺魂無處月暗南枝鵲漫投
回響燕城何處是一江烟雨弔孤舟

明七才女詩集卷之七終



明和七庚寅年九月吉旦

京師書林

井上忠兵衛

木村庄兵衛

梅村三郎兵衛

梅村源二郎

藤子遠

石川

一斗

